



Broj/Broj: 03/1-50-14-7-10/12
Sarajevo/Sarajevo, 15. 2. 2012. godine

PREDMET: Informacija i prijedlog zaključaka s održane konferencije o temi: „Aktuelno stanje sigurnosti u Bosni i Hercegovini“, Sarajevo, 20. i 21. 12. 2011.

veza, akt broj: 03/1-50-19-1233/11

U skladu s Orijentacionim planom rada za 2011. godinu, u organizaciji Zajedničke komisije za odbranu i sigurnost BiH (u daljnjem tekstu: ZK), u Sarajevu je, 20. i 21. 12. 2011., održana konferencija o temi: „Aktuelno stanje sigurnosti u Bosni i Hercegovini“. Podršku u organizaciji konferencije dali su Misija OSCE-a u BiH i Štab NATO-a Sarajevo.

U radu radionice su, u ime ZK i PSBiH, učestvovali: Dušanka Majkić, predsjedavajuća, Šefik Džaferović, drugi zamjenik predsjedavajuće, Staša Košarac, Borislav Bojić, Nermina Zaimović-Uzunović, Krunoslav Vrdoljak, Mehmed Bradarić, Beriz Belkić, članovi ZK, Boško Šiljegović, parlamentarni vojni povjerenik, Željko Grubešić, stručni savjetnik, i Jovica Katić, stručni saradnik u ZK.

Predstavnici sektora odbrane i sigurnosti prisustvovali su radionici u sljedećem sastavu:

- Ministarstvo sigurnosti BiH, s ministrom Sadikom Ahmetovićem na čelu,
- Državna agencija za istrage i zaštitu – SIPA, s direktorom Mirkom Lujčićem na čelu,
- Granična policija BiH, s direktorom Vinkom Dumančićem na čelu,
- Služba za poslove sa strancima BiH, s direktorom Draganom Mektićem na čelu,
- Direkcija za koordinaciju policijskih tijela BiH, s direktorom Himzom Selimovićem na čelu,
- Agencija za policijsku podršku, s direktorom Rahmijom Hodžićem na čelu,
- Agencija za forenzička ispitivanja i vještačenja, s direktoricom Ljiljanom Trišić na čelu,
- Agencija za školovanje i stručno usavršavanje, s direktorom Brankom Vukojom na čelu,
- Obavještajno-sigurnosna agencija, s direktorom Almirom Džuvom na čelu,
- Komisija za deminiranje BiH, s predsjedavajućim Mustafom Pašalićem na čelu,

- Centar za deminiranje - BHMACH, s direktorom Dušanom Gavranom na čelu,
- Ministarstvo odbrane BiH, sa zamjenicom ministra Marinom Pendeš na čelu,
- Zajednički štab OSBiH, s general-pukovnikom Miladinom Milojevićem na čelu,
- Tužilaštvo BiH, s tužiocem Dubravkom Čamparom na čelu,
- Komisija za sigurnost Predstavničkog doma Parlamenta Federacije BiH, s predsjedavajućim Ivicom Jurčićem na čelu,
- Odbor za sigurnost Narodne skupštine Republike Srpske, s predsjedavajućim Nenadom Stevandićem na čelu,
- Ministarstvo unutrašnjih poslova FBiH, s ministrom Predragom Kurtešom na čelu,
- Federalna uprava policije, s direktorom Draganom Lukačem na čelu,
- Direkcija policije Republike Srpske, s direktorom Gojkom Vasićem na čelu.

Radionici su prisustvovali i predstavnici međunarodnih organizacija u BiH:

- Misije OSCE-a u BiH, s direktorom Odjela za sigurnosnu saradnju Viktorom fon Vilkenom na čelu,
- Komande EUFOR-a,
- Komande NATO-a u Sarajevu,
- USAID –a, Program za jačanje parlamenata,
- UNDP –a, Ured u Sarajevu,
- EUPM-a, sa šefom misije Štefanom Felerom na čelu,
- specijalni predstavnik EU u BiH,
- ICITAP-a, s direktorom Džejmsonom Tilmanom na čelu,
- Ambasade SAD-a.

Nakon uvodnih izlaganja Dušanke Majkić, predsjedavajuće ZK, koja je naglasila ciljeve održavanja konferencije, učesnicima radionice obratili su se:

Sadik Ahmetović, ministar sigurnosti BiH, Himzo Selimović, direktor Direkcije za koordinaciju policijskih agencija, Vinko Dumančić, direktor Granične policije BiH, Dragan Mekić, direktor Službe za poslove sa strancima, Almir Džuvo, direktor Obavještajno-sigurnosne agencije BiH, Dušan Gavran, direktor Centra za uklanjanje mina BHMACH, Nenad Stevandić, predsjednik Odbora za sigurnost Narodne skupštine Republike Srpske, Predrag Kurteš, ministar MUP-a Federacije BiH, Dragan Lukač, direktor Federalne uprave policije, Gojko Vasić, direktor policije Republike Srpske, Marina Pendeš, zamjenica ministra odbrane, Fahrudin Selimović, zamjenik šefa policije Brčko Distrikta BiH, i Dubravko Čampara, tužilac Tužilaštva BiH.

Rad se odvijao prema utvrđenom programu.

Sva izlaganja tokom Konferencije dostavljena su u elektronskoj i pisanoj formi u prilogu ove informacije /forma stenogramskog zapisa/.

ZAKLJUČCI S KONFERENCIJE : „AKTUELNO STANJE SIGURNOSTI U BOSNI I HERCEGOVINI“, 20. i 21.12. 2011.

S ciljem unapređenja stanja i otklanjanja problema i slabosti koji ugrožavaju sigurnost građana Bosne i Hercegovine, te unapređenja rada i bolje koordinacije u radu ministarstava, institucija i agencija iz sektora sigurnosti i odbrane, Zajednička komisija je na 10. sjednici, održanoj 7.2. 2012., usvojila sljedeće **zaključke**:

1. U potpunosti su ostvareni postavljeni ciljevi za pripremu i održavanje konferencije. Sastav i odziv učesnika, kao i izlaganja i diskusije tokom konferencije, pokazali su da su učesnici konferencije odgovorno pristupili razmatranju pitanja koja su pretpostavka za stabilnu sigurnosnu situaciju u Bosni i Hercegovini. Učesnici konferencije izrazili su spremnost da se suoče s aktuelnim problemima, da javno govore o sigurnosnim prijetnjama i izazovima te da predlože kako i na koji način im se suprostaviti.
2. Zaključci sa radionice o temi: „Zakonodavni okvir, nadležnosti i planovi institucija BiH u oblasti odbrane i sigurnosti“, održane u Tesliću 19. i 20. 9.2011., temeljne su smjernice u radu ministarstava i agencija iz sektora sigurnosti. Njihova realizacija i provođenje u praksi je dodatni impuls i pokazatelj koji govori u prilog tome da su radionice, konferencije i seminari koje organizira ZK, a na kojima zajedno učestvuju predstavnici zakonodavne i izvršne vlasti, od velikog značaja za razgovor, razmjenu mišljenja i donošenje konkretnih zaključaka i mjera koji rješavaju brojne nagomilane probleme u institucijama sektora sigurnosti i odbrane.
3. Rasprave tokom dvodnevnog rada konferencije pokazale su da borba protiv terorizma, korupcije, organiziranog kriminala, krijumčarenja drogom i opojnim sredstvima, te djelovanje jednog broja grupa i organizacija s radikalnim programom i aktivnostima, nacionalni i vjerski ekstremizam, huligansko ponašanje pojedinih navijačkih grupa, kao i zabrinjavajući sigurnosni aspekti pojedinih lica stranog porijekla, predstavljaju samo neke od glavnih sigurnosnih izazova kojima sve institucije iz sektora sigurnosti treba adekvatno da odgovore jasnom strategijom i koordiniranim djelovanjem.
4. Zadužuje se Ministarstvo sigurnosti BiH da u roku od 90 dana dostavi Zajedničkoj komisiji analizu provođenja Strategije za borbu protiv terorizma s akcionim planom.
5. Iskustva i djelovanja policijskih struktura tokom terorističkog napada na Ambasadu SAD-a u BiH, a što je bio predmet rasprave tokom konferencije, govore da je bilo i nejasnoća i preklapanja nadležnosti u suprotstavljanju i neutraliziranju učesnika terorističkog napada.

S tim u vezi obavezuje se Direkcija za koordinaciju policijskih tijela BiH da, u skladu sa svojim nadležnostima, pripremi analizu trenutnog stanja po pitanju koordinacije u

radu i djelovanju policijskih struktura u BiH, kada je u pitanju zajedničko djelovanje u akcijama i aktivnostima koje su od posebnog značaja za sigurnost bh. građana te da ih dostavi Zajedničkoj komisiji.

6. S obzirom na brojne promjene koje su uslijedile u sektoru sigurnosti nakon 2006. godine, a kako bi se radilo u skladu s vremenom i novim sigurnosnim izazovima, obavezuje se Ministarstvo sigurnosti BiH da, u skladu sa svojim nadležnostima, pristupi izradi dopuna i redefinira Sigurnosnu politiku BiH te je dostavi Predsjedništvu BiH na razmatranje najkasnije do kraja prvog polugodišta 2012. godine.
7. I dalje je prisutan problem ilegalnog držanja naoružanja i nedozvoljene trgovine oružjem. Svjedoci smo kako nestaje oružje i municija iz vojnih skladišta te da oružje završava na destinacijama koje su zabranjene međunarodnim konvencijama. Sigurnosne agencije, čija je to nadležnost, obavezne su istražiti punu istinu o tome kako bi o tome pravosudni organi dali posljednju riječ. Problematika uništavanja nestabilnog oružja, municije, minskoeksplozivnih sredstava kulminirala je do te mjere da je Parlamentarna skupština BiH donijela Odluku o formiranju Istražne komisije koja treba da istraži proces uništavanja u periodu 2006. – 2010. godina i predloži zaključke Parlamentarnoj skupštini BiH.
U radu Istražne komisije će, osim članova oba doma PSBiH, učestvovati i predstavnici međunarodnih organizacija u BiH: Komande EUFOR-a, Štaba NATO-a u BiH i Misije OSCE-a u BiH.
8. Zadužuje se Ministarstvo odbrane BiH da informira ZK o nestanku elemenata iz procesa delaboracije 530 tona MiMES-a.

PREDSJEDAVAJUĆA KOMISIJE
Dužanka Majkić

Dostavljeno:

- naslovu
- a/a